

黃平縣志卷五

建置志下

驛傳附郵電

坊表 津梁

驛傳附郵電

嘗觀孫樵之題驛壁而嘆驛傳煩擾自古為然黃平當滇黔之衝東屈施東南達清平山路崎嶇不百里而置兩驛通者苗民弗靖飛符絡驛師旅星馳官與民日疲奔命今幸邊境必安得以稍舒應接庶不類褒城之題壁乎原敘

置郵傳命義取其速自古為然顧昔之郵曰驛曰站陸驛供馳驅奔走之勞水驛有舟楫牽挽之役而驛遞限於官府文書非人民所得用也今之郵亦用夫用馬他省並有輪船火車之送大事尤有海陸電報之傳而交通較為便利神速皆

黃平縣志

卷五 驛傳

一

官民所得用也黃平為州自清順治十五年設興隆驛康熙十年添設重安驛兩驛各馬五十匹馬夫各二十五名站夫百名鋪夫五十二名咸豐兵燹後驛馬減少裁撤站夫而用苗夫綜計驛費每年五千餘兩及宣統三年改設郵政局裁減驛費民國元年完全裁驛歸郵嗣是舊州分縣則設二等郵局縣城重安各設三等郵局重安於宣統三年增設電局凡用郵電費由己出不動官帑勿勞官廳專管交通機關視昔有加誠官民俱便者也但驛站既裁夫役未邀豁免地當通道時局多故師旅往來軍需煩重扛擡遞運動輒數百千人力役之征又覺變本加厲耳續

順治十五年興隆驛站設官馬五十匹馬夫二十五名每季補

馬七匹康熙十年添設重安江驛如之康熙二十四年裁去馬五匹馬夫二名乾隆二年仍復舊數兩驛共馬一百匹馬夫五十名每季補馬八匹閏月加補二匹

站夫於前明時俱以衛所站軍抬扛順治十五年用州縣夫協濟康熙八年每站設長夫一百名應差協夫通行禁止十九年因遞運浩繁用州縣夫協濟二十四年仍用長夫乾隆三十一年暨嘉慶元年軍興遞運軍需暫用田夫馬幫辦無馬者以夫二名代之事竣即行停止現用長夫一百名如有不敷皆於里下僱覓詳徭役項下

額設鋪夫五十二名大路夫二十九名在城鋪鋪夫五名十里鋪東坡鋪黃猴鋪周洞鋪對江鋪羅仲鋪以上共四名僻路

黃平縣志

卷五 驛傳

二

夫二十三名舊州在城鋪鋪夫三名長冲鋪王家塘鋪通志作小鋪大翁鋪波洞鋪翁埋鋪一碗水鋪上塘鋪龍洞鋪地送鋪鐵關鋪以上各二名其馬價草料葯餌脚濕鞍屨及馬夫長夫鋪夫工食俱詳載經費項下

按通志長冲鋪鋪夫四名新州在城鋪四名舊州在城鋪二名查長冲鋪今止二名不知何時撥二名入新舊在城鋪其亦隨時變通者歟

驛站夫役禁約附

田 雯

累民之最甚者莫如驛站夫役一事積弊叢奸前人不知幾經釐剔矣法非不善而立一法則一弊生去一弊而去弊之弊更不可言所謂有治人無治法者站夫苦累是也按黔省

一十八站每站每月額給僱夫銀三十六兩米二十四石若以現行則例每僱夫一名給銀八分計之約可僱夫四百五十名而米數不與焉邇來時際昇平過差極其稀少各站登載循環簿籍寥寥可稽是額給銀米不惟儘足支用而且確有餘剩此良心之難昧者

朝廷本不累民併不累官而該管有司動輒借口曰衝繁艱苦也僱夫賠累也獨不思八分之銀米知給夫與否而餘剩銀米誰其飽之乎此瞞心昧己之談不足聽也民苗充夫之苦情本部院體訪已悉爰條列而約言之州縣官端居衙署惟聽探馬一言曰上游某差將至矣下游某差已臨矣不分有無勘牌多寡緊緩立即簽差四出沿鄉逐寨派役簽夫迨

黃平縣志

卷五 驛傳

三

拘調已齊而差使尚在杳然令其飢餓守候困苦呼號每至二三日或四五日不等此濫行簽派之弊也夫役守候已久幸而差使至矣前之派集一百名者今止實用五十名州縣官但期應付不缺意願已畢而民之疾苦漠然置之任憑虎役蠹胥威福自專得其賄者謂夫多而放歸若窮極無賄者不問曾否裹糧鞭撻交施立驅扛擡應役此衙役索賄之弊也應役之夫肩擡背負陟嶺登山或炎夏而觸暑躡行揮汗成雨或嚴冬而冰霜載道凍餒迫膚受苦擔勞送差而返滿盼應領銀米活口養身奈州縣官早已相忘度外即下情呼籲仍遭衙役措延晃晃夫役望官署而徘徊日復一日守候無期慮及失誤本業有不悵然以去者乎此不發銀米之弊

也州縣官即有不昧天良概發夫銀矣大抵不論多寡案封一包交給衙役取一領狀了事而已衙役得銀入手盜狹依潮扣落侵隱巧詞抵賴攤派生意鋪面幫賠添賠彼夫役賁惠未沾而追呼橫索之擾又及於市廛矣此輾轉派擾之弊也凡此者有司闡首衙役兇惡其弊竇強半皆同而尤有貪婪不肖之官禽獸不若者額給銀米悉肥己囊平日過差稀少反似寂寞無聊忽聞探報馳傳某差將至即興致勃勃以為奇貨可居矣夫用幾名派必數倍近村則強拿白捉遠鄉則重價折乾官既索銀於上而蠹胥虎役有不乘機倍索於下者乎里長頭人轉相效尤受此家之厚賄私派彼戶畏強豪之不從橫加懦弱上下交徵勢不至苗民無噍類不止嗟

黃平縣志

卷五 驛傳

四

乎為民父母而忍心害理即不畏上司獨不畏天理正法耶而說者曰欲去民苗困累曷若令州縣合計村寨輪流應役夫合計村寨按戶簽派之別名也愚懦者受虧而豪強者肆志也不可為也說者又曰欲除官役弊竇無如另設頭人俾其經營銀米夫殷實之民誰肯舍耕農之業而僕僕公廩必仍係積年蠹棍鑽營滋弊不可設也本部院再四籌計有治人無治法惟於其人求之其人賢則已如不肖則不與俱生於是另議增添催夫銀米嘉惠民苗嚴飭州縣官自今以往實照應用夫數公平催募每一站之中該管官於上下兩站各設探事一人確探過差有火牌勘合者即速抄錄馳報該管官照此實用夫名現銀公催其一切白票便牌置之不理

而借名濫派之弊自無也原定僱夫價銀每名八分本部院軫念力役之苦茲概准給銀一錢外加食米四升俾中途足以裹糧而備值復較前增益鼓舞民苗踴躍樂趨而簽拿差捉之風可息矣應發銀米州縣官勿憚瑣煩必於平日預為料理如每夫紋銀一錢各另稱包小封數十封彙鎖一匣一遇差到夫齊即便躬親按名給發既不耽延時日併不做手吏胥而扣剋侵漁之弊可杜也以上三則本部院言之自覺平平無奇有司官果能真心奉行有治人即有治法云云

黃平州興隆驛上至重安三十里下至施東界藍橋三十里原設驛馬五十匹馬夫二十五名咸豐苗變後減三十匹設二十匹馬夫二十四名驛書一名清書一名驛在州署左側

黃平縣志

卷五 驛傳

五

歸州牧管理藍橋至施東三十里該地為施黃驛道適中處兩邑各撥驛馬數匹馬夫數名分駐其地便於接替馳送公文增

重安驛上至清平四十里下至新州城三十里原設驛馬五十四匹馬夫二十五名苗變後減四十匹設馬十匹馬夫十五名清書一名歸州牧管理

興隆正驛重安半驛每月驛費銀四百三十八兩四錢八分六釐

站夫鋪夫名數口糧載在舊志站夫自咸豐苗變後同治肅清來名目早經取銷而鋪夫一項至宣統三年改設郵政局裁減驛站同時被裁

民國成立遇軍旅過境需用夫役純由三土司地苗夫充當
附舊時驛站走馬協濟

貴州通省各站明時俱以衛所站軍扛擡國朝順治十五年
用縣協夫運送鉤鞘康熙八年總督甘文焜請禁用協夫奉
旨永行禁止令每站僱募長夫一百名應差十九年因恢復
遞運浩繁仍用協夫二十四年巡撫慕天顏復請禁用又奉
旨永禁每站仍僱長夫一百名應差如前通志

按走馬協濟及協夫扛擡之事自康熙初年甘慕兩公題
請禁革之後迄今二百餘年黔中編氓不但從無此等苦
徭抑且如此名目亦少有聞知者遂使得以優遊於堯舜

之世節平越直隸州志

黃平縣志

卷五 驛傳

六

郵局

宣統三年閏六月二十九日

郵傳部具奏定期接收驛站摺

奏為定期接收驛站事宜並擬隨時變通辦理恭摺仰祈

聖鑒事竊查上年十二月陸軍部奏將驛站事宜改歸郵傳
部管理一摺奉 旨依議欽此欽遵抄奏咨行到部臣等當

以驛站根於郵政應俟郵政接管後方克定期接收等因咨
覆陸軍部去後今臣已將郵政收歸部辦驛站事宜擬即定
於七月初一日接歸臣部管理以符統一交通行政之旨伏
維驛站之設原以軍報為重軍塘鋪站一切差派遞送各項
多與軍事相關故向隸兵部陸軍部掌管今既改歸臣部自

當與郵政合籌通計交通便利之區亟應咨商各督撫如何改革如何銜接即邊遠荒蕪各處尤宜注重添補郵局力謀擴充暫圖裁併惟是甫經接辦頭緒紛繁似非詳慎酌核恐不足以資完善茲擬自接收後暫行仍照舊章辦理具有應行改革之處隨時計畫量為變通以收循序漸進統一事權之效所有臣部接收驛站事宜並擬隨時變通辦理各緣由理合恭摺具陳伏乞

皇上聖鑑訓示謹奏本日奉 旨知道了欽此

節郵傳部奏摺 查郵政始於光緒二十二年二十四年先後奉 旨推行沿江沿海各省暨內地水陸各路名為大清郵政敕下外務部轉飭總稅務司赫德兼司其事經赫德遴

黃平縣志

卷五 郵電

七

派稅務司帛黎為總辦歷十數年各省通行郵政共有六百餘局又代辦四千二百餘處並與數國訂立往來互寄之合同與郵傳部所辦之電報相似辦理頗有成效總稅務司因郵政進款入不敷出請外務部核准由新關項下每年指撥協濟款七十二萬兩每年實交不過三十餘萬兩據報宣統元年止海關實墊銀一百七十八萬餘兩臣等查總稅務司兼辦以來實屬著有勞動其所用稅務司帛黎專辦郵政井井有條尤為難得之人才此次歸部收回尤須認真推廣務使郵站由漸裁撤郵局由漸加增

附鎮遠府正堂吳 札發置郵處所表

宣統三年六月十七日案准 貴陽郵務長杜 函開黔中

郵政力謀擴充雖未普及全省而現在已達九十餘處本局特為分別府廳州縣轄屬置郵處所列為一表庶閱者一目了然函請分送各屬俾便披覽並冀遇事保護等由准此合就行知為此仰該州查照

鎮遠府置郵處所 府城 施秉 黃平 新州 台拱

清江 施洞口 重安江

貴州勸業道統轄驛傳事文 改設舊州郵政支局札

宣統三年八月初四日准 貴陽郵務長杜 函開茲因老

黃平鄰近地方新添之郵政代辦甚多支局寫遠管理多有不便擬將該處現設之郵政代辦改為支局以資分撥管轄尅期於本月初七日揀派本局供事查攀桂前往接管相應

黃平縣志

卷五 郵電

八

函請發給護照一紙等情到道准此除給護照並札飭貴筑縣會派兵役移會前途一體護送外為此札仰該州遵照

中華民國元年一月二十一日

貴州軍政府交通部裁撤驛站札

查驛傳一項每歲虛糜太甚已通飭通驛各屬一體裁撤惟收發所應管收發出入文件舊日係由各該地方官希差遞送似覺太緩屢誤要公茲由本部通飭全省各府廳州縣及各局署所有一切文件概交郵政局寄發以期迅速而便交通為此仰該州遵照辦理

中華民國元年九月十四日

貴州民政司公文掛號郵寄令

案奉 都督令開據郵政總局函稱頃奉北京郵政總辦照錄民國認可前清郵傳部札行內開以後各衙署寄帶公件勿論印刷筆寫但蓋有關防印信者均應入掛號寄往交納掛號資費永為定章期於穩妥惟對於衙署本局特別待遇納單掛號之費作雙掛號辦理仍將回執掣交原寄衙署照商民雙掛號應納費一角三分免去五分只以八分交納如有印信一切文件自陽曆八月十六日起不掛號則本局不認寄去至於無印信之件或掛號或平信聽寄件人之便而納費則與商民同除通諭本界郵政各局外相應函請貴都轉飭各地方衙署一體遵照辦理

黃平縣三等郵局設縣城內大街

黃平縣志

卷五 郵電

九

舊州分縣二等郵局設舊城內大街

重安三等郵局設半邊街

按二三等郵局尚通滙兌每票一號只滙洋十元為限縣屬三局均由貴陽郵政總局分委局員專司各局郵務凡發信時間郵票價值通郵路綫平信快信單掛號雙掛號明信片滙兌包裹一切章程各局均牌示局門雖間有變更之處而投郵寄件者或問之該局或查閱牌示便得其詳誠無欺也續

電局

光緒二十八年十二月

上諭前因電務為軍國要政應歸官辦已諭令袁世凱張之

洞籌還商股將各電局悉數收回候派大員經理著即派袁世凱為督辦大臣直隸布政使吳重熹著開缺以待郎候補派為駐滬會辦大臣該局改歸官辦之後其原有商股不願領回者均准照舊合股朝廷於維持政體之中仍寓體恤商情之意該大臣等務當通籌全局認真辦理將從前積弊一律剔除以期上下交益欽此

光緒三十四年正月

郵傳部扎電報局整頓線路延誤洩漏各章程文

照得電政為交通機關於軍國大政實有關係非僅有營業性質已也查中國電報自開辦以來迄今幾遍二十二行省局所二百數十處線路數萬餘里果能經理得宜何患不日

黃平縣志

卷五 郵電

十

臻發達無如近來各局各員司領生因循弊混營私誤公遂致阻線延誤漏洩諸弊層見疊出言之殊堪痛恨本部自接收管轄以來凡應行整頓改良諸事迭經通飭籌辦不啻三令五申而時逾一載成效未見亟宜嚴行整頓以祛錮習而挽頽風查線路之通塞係夫傳電之遲速一局阻滯各局即因而牽動一電稽遲眾電即隨之積擱所關甚為緊要近來各局阻線絞線時有所聞推原其故總由局員擅離職守巡丁則大半缺額工頭濫等充數所致甚或故壞線路希圖修理肆其侵蝕設心尤不可問若不大加整頓則電政前途不堪設想此線路之宜整頓者一也又查近來各局電報稽延時日錯誤號碼之事不勝枚舉上年軍機大臣林接福州要

電遲至七日始到本年陸軍部接廣西官電錯碼至二十餘字之多官商發寄電報原求便利起見一有延誤往返稽查轉不如函件來往之穩便阻滯發達莫此為甚嗣後各局發電務須按照等第依次排發不得稍有積擱至號碼尤應詳校毋再疎忽此延誤之宜整頓者一也又查各處由電傳遞之件無論官商均屬關係緊要若遇軍務交涉則一切應付機宜尤須格外慎密乃近來各處要件時有登載報紙之事甚至上日之電次日即已登報原電全文一字不錯此中必有報生串通奸徒得賄傳抄情弊更有賄購密本私通各埠漏洩機要尤屬有關國政實屬令人髮指亟應嚴密查究隨時稟部嚴辦重治其罪此漏洩之宜整頓者一也以上三者

黃平縣志

卷五 郵電

七

均屬有礙交通而其故全由局員領生辦理不善營私舞弊之所致現當整頓伊始豈容此等人員混跡其間為此明定阻報延誤洩漏各章程通飭遵守嗣後再有以上情弊一經查實定行嚴辦本部言出法隨決不姑貸各該局員領生為報生表率尤當以身作則認真經理毋得優游事外行同聾聵致負本部諄諄誥誡之至意除嚴飭上海電政局通行各局店員司一體認真遵守外京局為京中各衙門電報樞要機關合行嚴札札到該道務當格外認真振刷精神力祛積弊毋為報生等所蒙蔽懍之仰即抄粘報房俾眾週知特札

章程畧

宣統三年貴洪電線成立設電報局於重安驛

重安電報局設正街係租借許氏宗祠內由省委局員管理電報

按電報亦稱電信藉電流之作用以短時間為長距離之通信也其器為電池電線發信機受信機等數種自甲地通電氣於發信器電流即經電線達於乙地受信器之電磁石而將其上之鐵片吸下片端有筆觸其下發條狀隨時轉動之長紙片電絕則鐵即為鐵絲曳上發信者令電流忽通忽絕受報機上之筆尖即隨之忽觸忽離紙片著墨遂成點線相錯之電報號碼今通用者為模斯電報機此為陸地電線海底電線則捻銅絲數本為一束捲以橡皮圍以鐵桿沉諸海底以連絡中隔海洋之陸地惟以曲線為號碼用玻璃細管尖端印成與陸線微異錄電報解釋

坊表

國家科貢之士皆有給賜旗匾甲乙榜及通籍者並得建坊而節孝壽考尤亟為表揚所以宏獎士類激勸齊民非第為觀美也邑雖僻壤坊表相望於途邀異數於

天家立德立功並垂不朽書曰表厥宅里樹之風聲寧不碩廉儒立耶原敘

建坊巨典原以表揚行誼之優美者一鄉一邑嘗有忠義節孝卓立貞珉闡發潛德幽光至於秩祀之宮耆壽之家科名之第崇坊巍煥綽楔高標庶類仰瞻士林宏獎懋功昭德類引伸莫不藉坊表為紀念令後人起敬起愛者也舊志所載各坊經咸豐苗變存者什一亦越民國頗有褒揚條例凡

黃平縣志

卷五 坊表

三

受題字褒章仍許建坊立碑蓋我國崇尚禮教維持風化苟有行誼之優美即邀姓氏之題旌何嘗以時勢殊易哉續
櫺星門石坊在 文廟前明指揮狄儁建
德配天地道冠古今二坊在櫺星門左右山東巡撫朱定元
建

興賢育才二坊在 文廟前

關聖廟坊在關廟前朱定元建

龍淵書院坊在書院前州牧袁公治建

魁星閣坊在魁星閣前

特旨崇封坊在朱宅前為朱定元父如旭母程氏建
科第流芳坊在西門周謨宅前宅今燬

五子登科坊在東門外進士王樑之長子國學生光士子舉人縉樑次子煥士三子彬士四子進士楚士五子進士焯建今圮

飛雲洞坊貴州巡撫劉蔭樞建

孝子坊二一在城內為張于昌建一在城東玉虹橋為張兆舉建

昇平人瑞坊為百歲庠生王嗣文建

貞壽之門坊為進士雲南恩安縣知縣鄒昇百歲祖母楊氏建以上新州

櫺星門石坊在學宮內監生金文光建

興賢坊在櫺星門左義民杜之麟之鳳建

黃平縣志

卷五 坊表

古

育才坊在櫺星門右職員楊培元建

德配天地道冠古今二坊在學宮垣外義民賈士鵬捐銀

四百兩建

騰蛟坊起鳳坊俱在學宮前今圮

承流坊宣化坊俱在舊署前

四牌坊州治後曹公進可建用記院司道府州所官銜姓氏

春滿黃州坊東門外

雲間紫氣坊西門外

風恬鎖鑰坊北門外

勅鎮西南坊建都指揮李朝陽宅以上諸坊俱圮

節婦坊凡三十有八在新州者二十有一在舊城者十有七

其姓氏悉著於列女傳不復述焉

櫺星門石坊在大成門前光緒乙酉年宋靖邦建續

德配天地道冠古今二碑坊與宮牆相連光緒己卯年知州

羅錦城建

飛雲崖石坊光緒甲辰年住持道人李志亮募建先建一座

戊戌大水衝圮茲係第二次建者

舊州 文廟櫺星門石坊光緒己卯年金文光建

德配天地道冠古今二木坊光緒己卯年丁松齡韓森記建

縣城 武廟石坊咸豐丙辰苗毀石址猶存廟前原坊題聖並尼山四

元建字朱定

特旨崇封坊為前山東巡撫朱定元之父母建成豐苗毀石

黃平縣志

卷五 坊表

十五

址猶有存者

昇平人瑞坊為百歲庠生王嗣文建成豐苗毀今其後人議建復其坊

舊州 武廟石坊暨五顯廟前石坊安福堂陳姓建馬店街

石坊或姓建均經咸豐苗毀石址尚存

戴商氏節孝坊在縣城東門外五里橋之前係戴溢仁之妻

戴德修之母嘉慶九年巡撫福題旌十一年建坊經咸豐苗

變而歸然獨存者

張孟氏節孝坊在東門外距城二里係張金邦之妻張作舟

之母嘉慶五年題旌光緒二十八年重建磚坊民國三年補

修

張楊氏節孝坊在舊城東門外係儒士張炳垣之妻貢生張昭然之母道光八年請旌十四年建坊苗亂未損

趙王氏節孝坊在城南馬場街道光時建成咸豐苗變該氏殉難坊毀石址尚存

譚江氏苦節坊在重安對江塘上係譚世美之妻譚化向化舉之母以其貧困守節撫子地方人士聯名請旌醴金建坊於道光時經咸豐苗變石柱猶存

張王氏節孝坊在重安新路口係張宗河之妻張金鑒之母道光末年請旌建坊咸豐苗毀遺跡朗存

張時氏節孝坊在重安蔡家橋係張宗澄之妻張金榜之母咸豐癸丑請旌甲寅建坊丙辰苗叛坊毀

黃平縣志

卷五 坊表

六

周王氏節孝坊在縣城南門外係周家聲之妻道光二十五年請旌二十八年建坊咸豐苗毀

戴吳氏節孝坊在縣北三區浪洞茅壩係戴德桂之妻道光五年請旌建坊 今存

石孫氏節孝坊在浪洞管同寨係石大禮之妻道光時建坊 今存

節孝總坊二一在東門外一在南門外各距城里許均磚坊照舊志題節孝姓氏於其上光緒丁酉年知州瞿鴻錫籌建藉以表揚潛德幽光殊地勢不穩固傾斜將圯民國五年撤之尚未修復

平西壩磚坊一座形式甚古字跡消磨不知建於何年亦無

姓名惟聯語有為三槐根抵語非王氏婦則王氏女也又一聯有張也明題數字查也明係康熙甲午科舉人據此則此坊誠古也

蔣易氏節孝坊在北四區太陽堡係蔣光漢之妻光緒二十三年請旌建坊

張黃氏節孝坊在重安大石板係張澤煊之妻張樞紳之母光緒三十一年請旌民國九年建坊

戴谷氏節孝坊在城東趙家營之上係戴承烈之妻戴九德之母咸豐苗變坊毀僅遺斷碣可考

王樸耆壽坊在東門內奎閣光緒丙申年李君雲浦購奎閣地址建屋於屋前竹林內掘得倒塌牌坊石樑上書王樸及

黃平縣志

卷五 坊表

七

原配陳氏繼配李氏等字餘缺無考後查王譜載樸公享年七十有四陳氏享年七十有二李氏享年九十有四然則所建之坊蓋為耆壽坊也

按舊志載節孝坊三十有八在新州者二十有一在舊州者十有七均道光以前所建經咸豐丙辰苗變新州僅存戴商氏一坊舊州僅存張楊氏一坊北三區戴吳氏石孫氏二坊其餘被苗撒毀坊柱倒卧道側而載姓氏之石匾又被人抬去無從查考茲於荒煙蔓草中搜剔廢坊有姓名可考者八坊並著篇中至光緒以來新建惟三坊耳

又查咸豐癸丑年署知州周夔舉報節孝得八十餘人兩城各建總坊載所至錄僅有題詠並未分紀姓氏越二年

丙辰苗變衙署被焚無案可稽總坊被毀無跡可尋而八十餘人之節孝竟湮沒無聞惜哉

黃平縣志

卷五 坊表

六

津梁

治梁王政也修橋善行也或以地名或以人名或以事名或以意名雖俚必書雖廢必紀誠重之也而刻木刻石以濟不通古聖人於渙有取焉昔單襄公致嘆於無梁衛詩人興嗟於濡軌則津梁之設豈徒稱便行旅已哉亦將以觀政治也
原教

中國近言工程者以黃河鐵橋為最上行火車下通輪舟費鉅工奇水陸交通然非所望於崎嶇之小邑也黃平地當孔道楚蜀滇粵路所必經重安官渡鐵索鑄橋匹練橫江如躡雲衢環縣山重水複與梁所資因地制宜民免病涉或帑金建築或慈善捐修衰而續之以補舊志所未載夫乘輿濟人

黃平縣志

卷五 津梁

十九

大夫稱惠而虹橋跨道中承紀功今昔有同揆焉至若雨畢除道水涸成梁斯則先王之制守土之責而路政之所關者也續

大橋在大街

鼓樓橋在鼓樓街

王家橋在中街進士王標建今改建平橋

水關橋有二一在上水關一在下水關

蕭家橋在大井側

維風亭橋十二洞在玉皇閣前

丁未橋舊名石龍橋俗名五里橋橋下石長丈餘有龍形淺水鱗鱗與日光相映躍躍欲動故名石龍時修時圯州牧袁

治重修以四丁未日興工故名

平龍橋城東十里俗名十里橋創自前明名永安橋巡撫郭子章國朝州牧袁治皆有碑記

玉虹橋城東十三里為八景之一里人狄應旃建

大壩橋東坡站南一里

通濟橋又名東陵橋在月潭寺前明學道龍文光建今圯現
在貴陽府知府程重修更名聖果橋

月潭寺內橋在飛雲巖下雲貴總督福康安建

黃漂溝橋

蒙加溝橋二橋相近

巖鶯壘橋生員張綦建有碑記

黃平縣志

卷五 津梁

三

折桂橋在南門外饒賓興諸士於此

石頭田板板橋一架最古

雲泉橋城南

萬福橋城南

城南石頭田石橋一眼

榔木哨橋在周洞塘

城南橋邊灣石橋一眼橋左傾石頭堡人修復

重安三溪橋里人沈傑建

重安大橋明初建於觀音閣下圯康熙十二年布政使潘超

先按察使張文德糧道陳寶鑰捐建石橋後圯康熙三十年各大憲倡修復圯乾隆三十二年麻哈州義民吳□□

移建於上流費近萬金垂成即圯人皆惜之
毓蘭橋在西門外翰林曹掄彬舉人曹海建貢生曹掄傑續
建均圯眾姓捐建

中丞橋在北門外山東巡撫朱定元建貴州布政使陳德榮
有碑記載藝文乾隆五十四年補修

星橋在中丞橋下半里

羅朗橋進士王標建

鍾靈橋城北一里

莫家橋

文波橋在罈子窰

上乾壩橋生員張廷樞建

黃平縣志

卷五

津梁

三

下乾壩橋生員張日升修

福德橋在中堡河陳運亨張起儀周學順承修

雲路橋在柳塘生員張聖宏承修

引勝橋在洞上河生員張啟元承修

金坑上下二橋生員馬文星等承修

天香橋在城北舉人王孚正建

解隆橋在城北二十五里

舊州城內三鞏橋在城內舊州署前

福衆橋城西門外舊名古梁橋創於前明州牧古德恒為平

橋十二洞砌以石梁以木上覆以亭又名古公橋康熙二

十七年水漲傾圮重修更名曰會通橋其制如初乾隆十

五年復圮州貢生楊光廷庠生張學堯楊光宗等倡修以石易木三十七年復圮州人劉漢芳劉琬西劉濟川張鵬程孫元和孫允奇彭登元林文中孫可元李士奇等捐募重修較舊時高廣堅緻稱為穩固人咸賴之

平播橋城東三里明萬曆時中丞郭子章平播後修建復圮國朝乾隆初生員丁有光善士杜之麟等募修復圮五十六年州牧袁治移建上流率紳士劉琬西戴九德劉奇相劉奇揚戴深仁暨僧印元募眾重修

坡動橋城西十五里通貴陽捷徑山水陡急行人苦之乾隆初年福建客人陳姓先捐銀三百兩募化修建未能成功州人劉漢芳劉琬西劉濟川移於下流設渡後又建平橋

黃平縣志

卷五 津梁

三

未幾即圮復募建石橋三大洞奈水勢衝急復圮其一

天壽橋城西三十里上塘側副榜孫文士捐修生員石華玉等捐助砌以石梁以木上覆以亭

翁湄橋城西四十里先有邵姓者以大鐵練扣右肩骨募化修建後圮乾隆四十五年劉漢芳劉琬西劉濟川募眾同修

天星橋城東十五里大翁舖地生員丁國光建石橋三洞後復圮其兄生員大光復修亦圮現在架木為之

百子橋城北里許求子者多驗人爭修之俱架以板職員丁崇德易以石橋三洞今稍圮

三鞏橋城北門外廣長菴僧佛林募修

戴家橋城西十里舊龍場貢生戴文郁建

田家橋城西十二里田姓建生員田嘉穀重修

錦榜橋城西五里州人蕭運顯修

永靖橋城西二十里哨地眾姓建

陳家橋東溪州人陳子宸建

彭家橋城東州人彭亨衢建

中橋城北外舊學前石之鼎建

小橋天官寨前楊佑建

滄浪橋即北門橋今圯一名永齊

福濟橋城西十八里馬槽井

東郭外橋

黃平縣志

卷五 津梁

三

西關口橋

三多橋西郭外眾建

唐家空橋吏員張君印建

毛方橋張玉堽募建

白水寨橋

黃衍橋在廟前

元龍橋在甕口

補遺

新州西門外仁里平橋周鴻宗募修

五里庄橋

黃泥坳橋

紙房橋北門外今圯議修

老馬路橋

興勝橋黃岑澁溝苗龍三河水合處
里人李承選子若珊若珍建

馬場坪橋

對江塘橋

以上新州

老里壩小橋衆建

黑土哨石橋二相去二里許客人曾起山募修

木犛坪高橋

兩岔河平橋

龍溪橋離城百餘里

黃平縣志

卷五 津梁

三五

興富橋在龍溪

杜橋西北三十五里明中丞解文敬修

又小橋一洞田姓修

張旗冲橋西北十里雷時泰募修

馬苑天福橋在鼓台山下葉盛修

界橋西五十里平越州界

田家橋在舊龍場田姓修

翁播坪上橋田姓修

石人洞橋

板橋城西二十三里皂角樹

安撫塘橋陳其書建

圓峯巖石橋三城西三十二里曾姓客募建

以上舊城

重安渡在重安汛城外係黃平重安朗城二土司募人撐駕
半年清平凱里募人撐駕半年有碑記

白悠渡又名寧瀾渡在城北三十里中橋河為入蜀大道水
勢湍急向無渡船康熙中李州牧延基捐俸倡置渡田貢
生王棡等皆捐助焉進士王檉亦置渡田併置田為造船
資後歎歲費不敷舉人王煥士貢生胡學瑗捐金增田巡
撫朱定元亦捐助之歲用益贍渡側有隙地名龜背生員
盧嘉植捐募墾田逐年收為修路資並稱永利云乾隆三
十年州人募修石橋有議鬻田為費者進士王楚士堅持

黃平縣志

卷五 津梁

三五

之言願橋成而渡亦不廢橋果未成而圯終有賴於渡焉
巖門渡在巖門司城外三里許通台拱路

舊城北十五里龍王閣渡乾隆七年王佐白中傑等六人共
募銀九十餘兩置田後又經董天祥募銀重治有碑記因
田被水冲壞四十五年董敦禮等募化銀百兩置渡船打
船修路架橋等田有碑記

馬港渡城西四里乾隆五十九年里人陳天倫等八人募建
有田糧四斗八升三合

中橋河渡 舊城北三里

長生渡

董家庄渡 以上舊城

大井在上水關水泉甘美

榮家井在後街

玉井見古蹟

建文井見古蹟

皂角井城東二十里

龍洞泉北門外二里

楊柳井城東十五里玉虹橋

龍塘一在重安金鳳山下一在牛大場側

雲根泉在飛雲洞

金坑井見名勝

以上新州

黃平縣志

卷五 津梁

三六

靈泉古井在北門十字街旁有碑

五顯廟井蘇木極紅

官井北門後街長丈餘寬八尺

嘯天獅井城內關廟前石崖下

古井北門後石宅內深三丈餘李志載有楊家井未知即此井否

倉坡井在中應坊坎下烹茶香

蠅泉井在南門張吳二宅前

西街古井在街側店戶前任汲不竭

紅坡井在羅衙巷坎下李志成沈家坡前大井未知即此井否

屋角古井深三丈冬溫夏涼在高山鋪坐宅內凡城內家居多有井者此

數井為較勝

東塘一在汪宅前

南塘沈家坡下

西塘馬家巷右

北塘朱官宅右

李家塘官井下

汪戴家塘鐵龜凹

以上六塘皆在城內每遇旱年放之以灌沿城田畝如遇不虞可汲飲可救焚可飲馬古制也

藕塘堰西門外水許廟右灌寨壩一帶田

周旗壩大堰北門上大河

白旗屯新堰

馬苑堰灌東門外田

黃平縣志

卷五 津梁

二十七

冷水河堰通金壩寨一帶田

千工堰西門上大河

西門外新堰順橋下過黑神廟壩前至石官壩田

楊馬頭大堰灌寨壩田

寨棍冷水堰灌平柳壩田

鐵索橋在重安江上流三里同治十二年前統領川黔楚軍

貴州提督周達武由營籌款建設以濟驛道行旅橋長約

四十丈寬二十餘丈兩岸石墩由江底砌平用鐵鏈連環

扣成直跨江面兩頭深入石內固結上覆木板左右欄杆

仍用鐵索鑿石象二以鎮橋頭人行固無妨碍惟馱馬成

羣銜尾接踵奔馳而過日深月久鐵索消磨重力集中橋

勢低垂將逾五尺光緒十五年知州瞿鴻錫稟准規復渡船與鑪山縣分季輪渡封閉鐵橋不許馱馬復行橋上藉以保護斯橋檔冊有案至橋板歲修另有田畝續

興裔橋在城東五里周家院光緒二十七年張尚忠周理堂承修先係石墩駕木改修石橋原名新橋後易興裔

長吉橋在城東尖山坡脚光緒三十二年周理堂張尚忠承修內有張貴芳捐銀二十兩餘係理堂尚忠合捐修成因取張周二姓各半之義名曰長吉宣統元年補修

福眾橋舊州西門外大橋也道光戊戌年大水衝壞經紳首林茂昭張選予籌修復原

三多橋縣城西郭外之古橋年久崩圯光緒中年王壽春承

黃平縣志

卷五 津梁

三六

首募捐修理橋係三眼兩岸石砌碼頭中砌梭子石墩架木為梁甫修數年被水衝壞碼頭壽春獨力修補民國八年碼頭復行崩塌梁木傾壞壽春之子王倬與其叔壽昌捐資修復

毓蘭橋縣城西門外古橋年久崩圯光緒中年王壽春捐資修造橋係一眼兩岸石砌碼頭架木為梁長約一丈五六尺料木難得地勢又不堅固時有崩塌壽春與其堂弟壽昌補修三次民國八年壽昌與堂侄王倬補修並換木梁此橋為仁里各寨往來必由之道能改修兩眼梁木易擇較為鞏固焉

仁里橋在馬巖壩橋未修時人行河壩過山溪水漲行者病

涉光緒季年王壽春捐銀二十兩倡首並募捐百餘兩改路由關廟門首過修橋三眼兩岸石砌碼頭中砌梭子石墩架木為梁鄉人稱便

甕口河石橋三眼高三丈餘尺寬一丈數尺長七丈餘尺光緒甲辰年王壽春首捐銀百餘兩倡修此橋旋得田鼎三韓建宗王壽昌相助各地募捐一千餘兩於丙午年修理成工該地兩岸懸壁鄉架木橋過水漲時波濤汹涌行人坐待無路繞過數日水消始能揭涉時有溺者自石橋成後方慶安瀾

遷善橋在縣城北罈子窰光緒癸巳年王壽春捐修去銀一百餘兩

黃平縣志

卷五 津梁

三九

罈子窰石橋一眼民國六年王壽昌捐修去銀四十兩

窩田石橋一眼民國六年王壽昌捐修去銀四十兩弟婦王張氏捐銀十兩

丁未橋在縣城東五里橋原係古橋年久兩岸石墩傾圮光緒甲辰年解春浦張培芝王壽春等籌募銀一百餘兩修理完固

星橋俗名朱家橋原係石橋一眼年久被水剝蝕右岸碼頭崩圮解春浦張培芝王壽春提倡募捐修復去銀一百餘兩迄今十數年又被水衝壞僅餘橋心一片

鐘靈橋在重安街北前通官街後達公館壩今圮兩岸碼頭猶存右岸被張子厚屋佔如地方議修斯橋張姓自應讓

出碼頭以復原狀縣署有案

四靈橋在重安鍾靈橋之下觀音閣門首光緒癸巳年修成木橋中豎二墩上覆瓦屋七間癸卯年被大水衝壞旋改修石橋二眼勢甚雄偉

附修四靈橋碑記

竊以望洋致嘆駕返臨河過涉同占凶虞滅頂凡屬要津之路豈不賴有橋梁哉我重父老於小河上流修有鍾靈橋由來已久超等後輩何敢更張無如水勢過高最易傾圮在昔安居樂業雖屢壞屢修尚不為難今則生聚初復源源輸款勢有難繼故庚寅四月舊橋毀閱二十二月壬辰春始行修復復未逾三月仍毀實以物力窘修倍難地勢危毀滋易耳

黃平縣志

卷五 津梁

三

癸巳春有素懷利濟之趙君相丞許君耀廷謂超曰春水漲矣行人阻矣此橋不修如病涉何超曰唯籌之熟矣不修復則利濟安在仍其舊則洪水堪虞欲為一勞永逸非遷地新修不可但工程浩大心優力拙奈何皆笑曰噫子迂甚邑有梁姓絕業可請示變賣權作資始餘則約我重鄉人協力募捐庶可成乎超曰善於是約集同人赴州請示蒙州主瞿批准文案並飭各寨首人就地畫捐繼又代稟憲局發款添補此誠萬象生佛非特與人為善而已超等謹遵德意先變梁姓絕業獲銀二百金旋即相度地勢定局於觀音閣門首蓋河面既寬水勢較緩由是一面興工一面募捐於癸巳十月下石因逼近大河事頗棘手款費不貲中修二墩底鎮龜龍

二物岸峙麟鳳二山因名之曰四靈橋閱十有一月始告落成連橋廬工料約費千餘金今駕穩鼉樑可免望洋之苦掀平鯨浪亦無過涉之凶故聊贅數語以誌其事至於鳳來儀麟獻瑞龍利見龜為畜乃 盛朝休徵波及偏隅又超等所深願而默禱者也

濟美橋在重安鐵索橋下距街約一里光緒甲午年孀婦王李氏等捐建係石橋一眼

巖鶯壘大橋三眼眾建年月無考下同

安瀾橋一眼張土司建

克麻塘石橋一眼陳定邦建

大寨石橋一眼眾建

黃平縣志

卷五

津梁

三

阿秀寨橋一眼眾建

舊司石橋一眼眾建

格夷石橋一眼眾建

望壩寨脚石橋一眼光緒己亥年沈光瑤沈思寬沈耀廷等

籌建捐款不敷由巖鶯壘募捐銀百餘兩以成其工

天壽橋在上塘場前那鮮河下流原係古橋石墩木梁四眼

上覆以亭光緒十三年上官明饒春泰各捐銀百兩承首

修造未成即圯至三十三年楊明軒傅仲毓復承首倡修

去銀若干兩今又十餘年因梁駕過長木條下墜石墩被

水衝壞又有將圯之勢

喻家橋在甕脚場下石橋一眼為本地喻姓捐修於咸豐之

初

汪家橋寨脚之石橋一眼昔年太陽堡去猴場必由之路橋為汪姓所修遂以此得名

太陽堡石橋有二一在堡右街口一在堡左修建年月姓氏俱遺

天生橋乃天然之橋也距下里洞里許為梅河之下流從山內穿過約有里餘中不透光放木者聯三四樹成筏由內行駛用撐丈長之樹

北四區天生橋有三一名上天生在汪家橋下之王家溝一名中天生在场對門兵馬洞一名下天生在堡下十五里之枇杷坪

黃平縣志

卷五 津梁

三

張家橋在平西壩小溪石橋一眼經修年月及人俱失考

萬年橋在趙溪河原橋先毀經蕭松亭募銀二百餘兩於民

國乙卯年重修胡縣長勲路過錫以今名

重安渡載在舊志向章由黃平之重安朗城巖門三土司募人撐駕半年清平凱里募人撐駕半年刊有碑記經咸豐丙辰苗變後至光緒十五年規復渡船仍係清黃兩屬各渡半年茲將黃平州瞿鴻錫清平縣何秋奚會稟文案原文載後

敬會稟者竊卑州前因重安江鐵橋低垂恐難持久擬照舊章與清平縣會商規復渡船已於本年二月內卑州與何令秋奚將查辦大概情形會稟在案旋奉善後局憲批

搏節辦理等因當此款項支絀敢不體念時艱第此項渡船名雖公設實係分辦州屬自經兵燹署中無案可稽即附近各土司寨因其廢弛已久年輕者傳聞失實狡黠者趨避有心若徒滋浮議恐蹈作舍道旁之譏因先墊給船價一面飭其購料興修並一面吩諭各團各甲將先年某處應承某項各舉所知以聞嗣據紛紛稟呈綜核群言並互證以卑州前查情節雖未逐一相符大率不甚差謬船甫造成極力督飭各寨赴案照舊承認黃梨坳新寨一帶充當渡夫重安外牌修理碼頭重興半山修理石柱滾子搖櫓綿竹塘應承纜索竹翁滿雙教幫竹五捆每捆重準一百斤內外黃毛寨三角幫竹二十四根刀背嶺充當紐

黃平縣志

卷五 津梁

三三

纜索惟查綿竹塘現在無竹除雙教等三處照舊幫竹外其不敷之竹應於重安附近各寨有竹地方暫行分認以免推延至於渡船向係隔年一造造時向州署領銀一十兩其餘所需歸重安朗城巖門各土司地公派至各該寨昔年渡船田土尚未據舉報前來若待其逐一清查轉覺遷延時日惟有責成各寨甲約照舊渡船不准違誤已據歐得貴譚宗奎張澤濱承認照舊遵辦並承認造小船二隻為春夏水漲渡引纜索之用現造官渡船一隻經卑州勘驗得船身長十二弓頭面寬四弓零四寸梢尾寬四弓艙底深一弓船底寬平油灰堅固周身鐵條鑲釘並應用各項器具備齊已於七月十八日開渡出示封禁鐵橋以

免疎虞查照何章清黃各造官渡船一隻各渡半年每年三月九月交替渡船渡夫及一切器物皆係各備謹將規復章程稟懇憲台核飭立案批示遵行以垂久遠通稟督撫藩臬巡憲善後局本府均奉批准立案光緒十五年七月二十四日

民國二年十二月十四日據清黃兩縣首人楊正朝楊文炳吳傳芳龍玉堂雷鳴燮潘世鈞等稟重安江渡船歷年以來兩屬分班各渡半載此屬上班彼屬停舟若逢春水暴發難以看守每遭冲失之患首等深慮及此故同商妥共造船一隻議價銀壹百兩兩屬各助其半合約載明外連名稟請立案施行並經盧知事嚴方批准諭由該首人

黃平縣志

卷五 津梁

三

等泐石誌記以垂永久在案

民國八年十二月黃平縣陳知事咨鑪山縣田知事迅將新船入水文

竊照重安為黔東大道湘滇必經之所向設渡船以利行人本年夏船隻打壞當由本縣飭團紳趕造茲據黃平屬承辦團紳吳傳芳稟稱查重安渡船向章係黃平鑪山各造一隻每隻撐渡半年嗣改為兩縣每年造一隻輪流供應再後則又改為歸黃平打造鑪山承辦團紳補助銀五十兩如鑪山打造黃平之補助亦然前奉諭令紳立即催工打造適鑪山承辦團紳楊正邦阻紳勿造由該紳購製現已做成又據重安團甲面稱該紳楊正邦之意須九年

陰曆三月始能擇吉放水等情據此相應備文咨請貴縣長查照轉飭該場正邦尅日將新船入水俾免阻滯而利行人此咨

按重安之下轉水灣渡船田一柱約出穀七十挑民國二年龍玉堂趙用九雷鴻章踏勘清楚係羅逆應榜經手之田應作渡船夫費

又卷查三司首人吳炳章等稟重安官渡船隻每三年一換各甲首人齊集會議各照夫價多寡攤派購置黃姓田畝一柱招募渡夫耕食各甲輪流監修渡船並承縣長陸德滋札委南鄉總甲楊正元查勘稟覆此田原係一柱大小共計十五坵約出穀八十餘挑自應懇恩

黃平縣志

卷五 津梁

三五

照該首等承認置買原人內應攤銀兩照數催繳以濟要公等語除沈耀廷一甲繳齊外其餘未見明文宣統三年七月

梁家渡昔為梁姓私渡路出龍家壩龍泉縣等地過客每苦勒索光緒丙午年首人余化龍蕭元興熊光印石光明等捐銀七十四兩將其渡口田業基址買作義渡又有朝陽寺住持王金河捐出廟田二十餘挑餘慶縣屬梁書亭捐田土基址一柱年收租銀五六兩每年僱夫渡船稟縣立案永為官渡

按鼎松榮蕭元興余化龍劉榮開等集錢八十千鑿開梁家渡下之老虎口使袁家渡之河得以行船均鼎等

之力現北四區有七渡口均能用小舟運貨直達涪州
交通較昔為便利而物產得以輸出矣

大蓬河渡昔為吳姓私渡民國六年聶松榮等將三星場復
開移趕舊場之上因勸吳青雲吳炳揚吳漢清吳榮江等
將田業什土一併捐作義渡又餘慶戴榮昌捐銀二十兩
買入劉姓田二十挑同為義渡之業

構皮灘渡在餘慶縣屬即袁家渡之下流距甕脚場六十里
光緒末年螺螄壩黃光泰倡首成立義渡相與捐銀置田
五十餘挑并山土基業供給渡夫刊有碑記立於渡頭以
垂久遠

按水井塘堰舊志載明厥後并無新增者現查縣城飲

黃平縣志

卷五 津梁

三十六

水西南甲飲善化寺規水而該規有寺碾與張石匠碾
踞其上流時有阻水之患應請禁止二碾則飲水方免
枯涸北甲飲龍洞水修有堰溝東甲飲大井水并下水
關河水三轉灣井水又查周公竹樓於咸豐癸丑年鑿
新城四池二井舊城倍之載所至錄中經丙辰苗變後
新城之池井不復可尋嗣訪之父老言北門羅家巷一
池下水關一池今復湮塞餘俱無考

白鶴泉在縣城玉皇閣之山右光緒丙午年知州陳望林題
名刊石雖井係新鑿味不殊衆